

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2


Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Mercurius was in vil künsten erfarn. die leret er die menschē vñ ward als ein got geachtet. vñ all poeten schreiben das er der erst poet oder ulmätischer der götter gewesen vñ ein got der gesprechlichkeit. ein gewerbsrat d̄ kaufleut. ein bot der diab vñ ein ulmätischer d̄ götter genat worden sy. vñ hat die sibensaittigen leiren erfunden. Er was auch in aller art der kunst vñ sunderlich natürlicher kunst hochgelert. Also das er (als sy sagē) mis seiner gerten vñ kräutern die toten erweckt. darumb ward er nach seinem tode vnder den götteren gezelt. Vnd der stern mercurij nach ym genant.

Amazones



In diesem driten alter regirten die weiber Amazones. c. i. ar. Dar von hie vor geschriben steet. Vñnd prachtent mit grausamen kriegern vil stet in Asia vñ Europa vnder sich. Ir künigin waren Marsapia vñ Lampeta. Synope. Anthyopa. Jpolite. Orobthia vñ Parthasilia die erslug Pirrus Achilles sin vor Troya.

Bachus vand zum ersten den wein in Kriechenland. vñ ward für einen got gehalten. Er gab auch andern gegenden den wein. Vnd leret die teütschen aus gerstein getranck machen.

Omagirus hat zum ersten die ochssen zü dem geprauch des pfluges vñnd der ackerung gefüget.

Zini d̄ kriechische künig Inachus



Phoroneus



Inachus der erst künig der Kriechen hat von der gepurt ysaac im. l. ar. zü regiren angefangen. vñ nach ym gelassen. In dem die künigin Egypti vñ phoroneum seinen sun der nach ym regirt. Also ist zü diser zeit das künigreich der Kriechen vnder Inacho entsprungn. Vnd durch. xiiij. künig bis auff die zeit Baroch vñnd Delboie der richter ysrahel bestanden. Vñ als man zü der selben zeit Ciseus nit willigklich getöt ward. da bliesse Perse aus vorcht die Kriechen vnd wendet das künigreich in der Micener hant. nach dem bis daselbsthin herrē geregirt Auritens Acreus. Auch zü disen zeiten hat phoroneus erstlich dem kriechischem land gesetz gegeben. vñ verordnet das die sachen zwischen den partheien vnder einē richter gehandelt vñnd entschieden werden solen. Darumb sagen die recht geleerten. das die gerichtstat darin gerichtlich sachen vnd handel geübt werden (zü latein forum genant) Von dem selben phoroneo iren namen hab. C Item ysis sein schwester sol (als sy sagen) seinen sun Apis genant zü einem mañ gehabte haben. Derselb sey auch von den Egyptieren für einen got gehalten worden.

Phoroneus hat (als vorsteet) erstlich in kriechischem land die gerichte geordnet vnd gesetz beschriben. vnd einen brüder gehabt der die leüt leret die iar vñnd monat zehalten. vnd auch zü ert den abgötteren tempel vñ altar auffrichtet. darumb ward er auch vnder den götteren gezelt vñ mit opffer der ochssen geert. vñnd Phegoeus genant.

Isis die tochter Inachi hieß zum ersten Jo. Aber als sy in egypten schiffet. vñ daselbst die büchstaben oder geschriffte erfande. vñ gesetzte leret da ward sy ysis genant. das nach Egyptischer zungenn so vil ist als erde. vñnd von irer firtrefflichkeit wegen vil tugent vñnd lere ward sy in Egypten in grosser ere vñnd würde gehalten. also das sy gelaubten das dieselb ysis von hymel

Mercurius



Bachus



Omagirus



Isis

